


Génesis 6



Kame, mash aints ainaujai
apatkam jiasam, Noéka
ningki nekas pengke aints
ayayi. Tura asa ningki tuke
Yuse wakeramurin najanak
niin umirnuyayi.



1

Watska, juwaitai Noé turamuri:
Kame, mash nungkanam
pujuinaun Yus jiis, tuke
tunaun takainaun tura
maaninak pujuinaun
wainkau asa, . . .



2

... Noén chicharak: —Yamaikia mash nungkanam aints ainau pujuina nuka tuke maanikiar, ni tunaari ainaujai nungkan mesraru asaramtai, aints ainaunka ni nungkarijai metek amuktatjai. Antsu ningki wiasmatmankartin. ainawai.




3

Tura asaramtai ameka numi wári mamurchamniau eakam, juun kanu najanam yakiirisha tau ainaujai nukukam, nitkarin tesarta. Tura entsa utuwai tusam nitkarisha, tura aarisha pengker sekatrata.



4

Kanu esanti ciento treinta y cinco metros ati. Tura wangkantisha veintidos metros nunia japchiri ati. Tura yakiiri trece metros nunia japchiri ati.



5

Turakrum tsukajai wait jakarai tusam, ni yuwatniurisha, tura atumi yutairisha mash chumpiata, —Yus tusa timiayi.




6

Turakrum mash nungkanam kuntin tura pachim iruna nusha aishmang nuwajai apatkam, amijai metek iwiaaku pujusarti tusam engkeawarta.




7

Tura asam mash kuntin yutai ainauka aishmangkrisha siete tura nuwasha siete irumram chumpiata. Antsu yuchatai ainauka aishmang nuwajai apatkam nuke engkeawarta.




8




Nunia yumi
jitur nujangkruatin
asantai, Noéka
ni uchiri ainaujai tura
nuwarijai tura najati
ainaujai uwemrami tusar,
juun kanunam engkemawarmiayi.

9



Noé
seisientos
musach pujai, nu
musachti kichik nantu
nunia diecisiete kinta
nangkamaru aing, Yus
nayaimpinmaya yumin tuna tumaun
akupkamiayi. Tura nungka nitkarinia
entsa tsapuiniarti tusa akupkamiayi.

10



Tura asa cuarenta kinta
tsawaisha tura kashisha chiwiatsuk
Yus yumin chij jitumtikramiayi.

11




Nujang nangkantsuk
nujangkruamtai, juun kanuka
entsa jafen nanaasmiayi.

12

Maj, timiá nujangkrau asa, nujang mura ainaun mash
amurmiayi. Kame, mash nungkanam matsamin ainauka
kajingkiarmiayi.

13



Tura Noénka juun kanunam niijai mash
pujuarmia nuna Yus kajinmatsuk
nintimtusmiayi. Tura asa nujang
kuyuati tusa, nasen akupkamiayi.
Turamtai kuyutan nangkamamiayi.

14




Turantai ataksha entsa kuyuawash tusa nekaatas, yapangman jiiki akupkamiayi.

15




Tura jimiar nantua nuni veintisiete kinta jeamtai, nungkaka mash mujurmiayi. Nunia Yus Noén chicharak: —Yamaikia nuwarmijai, tura uchiram ainaujai, tura najatim ainaujaisha juun kanunmaya jiinkitaram.

16



Nunia Apu Yusen pengker awajsatas Noéka tangku epeatniurin najanamiayi. Tura vaca uchirin, tura oveja uchirincha, tura yapangmancha achik maa epeamiayi.


17



Nekasan tajarme tusan, atumjai tura mash nungkanam iruna nujai chichaman najanamunka pengké yapajiashtinuitjai tusan, tungkiangkun yurangminam

pujsatatjai. Tura asamtai tungkiang jiisrum, pengker nintimsaram pujustaram tajarme.


18



Tura wi tajarme nuka kajinmatkiram tusan, yurangminam tungkiangkun pujsatatjai. Wi turau asan, ju chichamnaka pengké kajinmakchatnuitjai.

Tura mash nungkanam matsatina nusha ju chichamnaka nintimartinuitai: Wikia ataksha nujangjaingkia nungkanka pengké mesrashtinuitjai tajarme.


19



Yus Noén tura uchiri ainauncha pengker awajsatas chicharak: —Uchi yajutmakrum tura nawantrumram nukap yujartaram.

20

Noé ni uchiri ainaujai juun kanunmaya jiinkiarmia nuka ju armiaji: Sem, Cam, tura Jafet. Camka Canaánka apari ayayi. Noé uchiri tres armia nuka ni weari ainaujai mash nungkanam yujartin armiaji.



21

Yus mash nungkanmaya ainautin timiá anengkratu asa, ni uchirin kichkinak akupturmakmiaji. Tura asamtai mash nekasampita tusar, nintimtin ainauka tukeka mengkakahartin ainawai, antsu tuke Yusnum iwiaaku pujusartin ainawai.



22

Romans 3:23 Aints ainautikia tuke mash tunaarintin ainiaji. Tura asar Yus pujamunmaka jeachminuitji.

Romans 6:23 Tura asamtai nunasha tajarme: Tunau akikringkia jataintai. Antsu ii Apuri Cristo Jesús ni aintsri ainauti tunaarin sakturmaru asamtai, Yus iin wait anentramak pujut nangkankashtinun akikchaujai suramsatnuitji.

Hebrews 9:27 Ii jakatin kinta jeamtai, aintstisha jakatin ainiaji. Antsu nuniangka pengké jakashtinuitji. Tura jaakrincha, Yus aintsti turamunka mash nekaatnuitai.

23

Ephesians 2:8,9 Tura atumsha Cristo nekasampita tau asakrumin, Yus wait anentramak atumniasha tunaanumia uwentikramramiarume. Antsu atumkeka nuka turunachmiarume. Antsu Yuska ningki wakerak kuikiachujai turamiayi. Aints ningkikia uwemrachmin ayat, ni pengker takaamurijai tunaanumia uwemramnawaitkungka: Wiki tunaanumia uwemrawaitjai, tumamtinuitai. Antsu aints kichkisha tuuka uwemrachmin asamtai, Yuska atumniaka ningki wakerak tunaanumia uwentikramramiarume.

Romans 10:9,10 Tura asamtai Yus ni Uchirin Jesúsán jakamunmaya inankimia nu nintimtakum, tura jangkemjai: Jesús nekasampi wina apuruita takumka tunaanumiangka uwemrattatme. Tura asamtai Jesucristo nekasampita tu nintimtakminkia, Yus aminka pengkeraitme turamtatui. Tura jangkemjai Jesucristo wina apuruita takumka uwemrattatme.

24

John 3:16,17 Yus mash nungkanmaya ainautin timiá anengkratu asa, ni uchirin kichkinak akupturmakmiaji. Tura asamtai mash nekasampita tusar, nintimtin ainauka tukeka mengkakahartin ainawai, antsu tuke Yusnum iwiaaku pujusartin ainawai. Yuska aints ainautin mengkaakarti tusangka ni Uchirinka akupturmakchamiaji. Antsu mash aints ainautin uwentikramratas ni Uchirin akupturmakmiaji.

1 John 5:11-13 Tura Yus ni Uchirin pachis iin ujatmaji nuka nuwaitai: Wina Uchir tuke iwiaaku pujau asamtai, atumsha nijai tuke tsaniasrum iwiaaku pujustinuitrume iinka turamji. Yuse Uchirin nintimsar pujuinauka tuke Yusnum iwiaaku pujusartin ainawai. Antsu Yuse Uchirin nintimtsuk pujuinauka tuke Yusnum iwiaakuka pujuschartin ainawai. Yuse Uchiri nekasampita tusaram nintimtusrum pujau asaram, tuke Yusnum iwiaaku pujustinuitrume. Nu nekaataram tusan, ju chichamnaka atumin aatjarne.

25

Génesis 6 - 10

Storyline by: Edward D. Hughes

Illustrated by: Byron Unger, Lazarus and Alastair Paterson

Adapted by: M. Maillot; Tammy S.

Achuar Bible (acu) © 2019, Wycliffe Bible Translators, Inc. All rights reserved.

<https://live.bible.is/bible/ACUTBL/PSA/1>

©2024 Bible for Children, Inc.
www.M1914.org www.bibleforchildren.org

26